

Geometriæ, Theoricæ & Practicæ.

Das eilste Büch.

Wie die Area vnd innhalt aller felder zu messen seren.

Wann ein Area vnd fläche zu messen fürkompt/das ist mann be-
gehrt zu wissen wie vil Juhart / Ruten / schüch/ erste/ andre/
vnd dritte scrupul dieselbige in ihrem begriff in die gsierte fassen
thüe/ als ich finden 8.(21238. gsierte stück/ so schließ ich es seyen 8. stück
deren jedes ein schüch lang vnd breit ist / vnd ein gsiertter schüch
gnennt wirt / ferner 2. stück deren jedes ein schüch lang aber allein
ein zehendē theil eines schüchs breit/mehr 1. stück so ein schüch lang
aber allein ein hundertsten theil eines schüchs breit/mehr 2. stück so
ein schüch lang vnd ein thausendesten theil eines schüchs breit/ mehr
3. stück so ein schüch lang vnd ein zehent thausendesten theil eines
schüchs breit/mehr 8. stück deren jedes ein schüch lang vnd ein hun-
dertthausendesten theil eines schüchs breit / welches so ein schmales
Riemli so schier nichts ertragen mag/ darumb ichs für gnaw gnüg-
sam achten thun / im feld bis auff die dritte scrupul zumessen/ wel-
ches dann erst ein thausendester theil eines gsierten schüchs antref-
fen thut / doch wil ichs einem jeden messer selbsten heimstellen die
scrupul so hoch gegebrauchen als ihme belieben mag/vnd auch nach-
dem dasjenige so zu messen hoch geachtet wirt.

Wirdt sich aber ein messer befinden an orten da andere māß ge-
braucht werden / vnd wil doch zum messen gebrauchen die decimal-
ruten / vnd wirt begehr in das orth da mann gmessen hat acker/
morgen/oder juhart zuverwandlen/damit das werck an allen orten
zugebrauchen / so mach nach desselbigen orts werckschuch dein deci-
mal ruten / darmit mis das vorgeben feld vnd finden 786537(862.
gsierter stück/ das ist sibenhundert vnd sechs vnd achtzig thausend
fünfhundert vnd siben vnd dreissig gsiertter schüch/acht erste / sechs

Ppp iii andre